

Ҳавонинг ўта иссиқлиги жаҳаннам тафтидандир



09:00 / 09.07.2021 3358

Шу кунларда об-ҳавонинг кескин кўтарилиб кетиши оқибатида кўпчилик ўзини соя-салқин жойларга, сув ҳавзалари бўйига, тоғ олди дам олиш масканларига уряпти.

Маълумки, зилзила, сув тошқинлари, қаттиқ шамол эсиши, кучли ёмғир, қор ва дўл кабиларнинг ёғиши, момақалди роқ гумбурлаши ва чақмоқ чақиши Аллоҳ таолонинг қудратига, азаматига далолат қилувчи Унинг аскарларидандир.

Жазирама иссиқ ҳаво ҳам Унинг қудратига далолат қилувчи аскарлардан биридир. Жазирама иссиқ ҳақида ҳадиси шарифларда ҳам зикр қилинган.

يُرْزَلَانِمُهُ أَنْطَفَحَ؛ لَأَقُنَايْفُسَ أَنْتَدَحَ؛ لَأَقِوَهَلَلَا دُبَعُ نُبُّ يَلَعِ أَنْتَدَحَ
رَهَيْلَعِ لَلِ يَلَصَّرِي بَلَلَا نَعِ رَهَيْرُهُ يَبَأُ نَعِ بِي سُنْمَلَا نُبُّ دِي عَسُ نَعِ
حَيْفُ نِمْرَحَلَا دَشُّ نِإْفِ رَهَالَصَلَابِ أُوْدِرْبَأْفُ رَحَلَا دَتُّ شَا إِذَا؛ لَأَقِ مَلَسَو
«مَنْ هَجَ».

أَهْلَ نَدَأْفِ. أَصْنَعُ بِي صُنْعَ بَلَلَا كَأُ بَبَرِ أَيُّ؛ تَلَأَقِوَهَلَلَا دُبَعُ نُبُّ يَلَعِ أَنْتَدَحَ
نُودِحَتِ أَمْ دَشُّ أُوَهَفِ يَفِي صِلَا يَفِي سَفَنَوِ يَفِي سَفَنَوِ يَفِي سَفَنَوِ يَفِي سَفَنَوِ
«رَهَيْرُهُ رَحَلَا نِمْرَحَلَا دَشُّ أُوَهَفِ يَفِي صِلَا يَفِي سَفَنَوِ يَفِي سَفَنَوِ يَفِي سَفَنَوِ يَفِي سَفَنَوِ».

Абу Ҳурайра розияллоҳу анхудан ривоят қилинади:

«Набий соллаллоҳу алайҳи васаллам: **«Иссиқ кучайганда намозни салқинлатиб ўқинглар, чунки иссиқнинг шиддати жаҳаннам тафтидандир»**, дедилар».

(У зот:) «Дўзах Роббига шикоят қилиб: «Роббим, ич-этимни еб юбордим», деди. Шунда У Зот дўзахга икки нафасга изн берди: қишда бир нафасга, ёзда бир нафасга. Сиз дуч келадиган энг қаттиқ иссиқ ва энг қаттиқ совуқ ана ўшандандир», дедилар». (*«Олтин силсила» Саҳиҳул Бухорий китобидан*).

Ушбу ҳадиси шарифда ҳавонинг ўта иссиқлиги жаҳаннам тафтидан эканини очиқ баён этиляпти. Шу кунларда иссиқ ҳавода юрар эканмиз, жаҳаннам тафти ҳақида тафаккур қилиб, ўзимизни ўнглайлик!

Жаҳаннамнинг бир марта нафас олиши шунчалик жазирама иссиққа сабаб бўлса, унинг ўзининг ҳарорати қандай экан?! Аллоҳ таоло бизни жаҳаннамдан асрасин!

Бу дунёнинг иссиғидан соя-салқин жойларга қочиб қутулармиз, аммо охираддаги иссиқдан қаерга қочамиз?!

Шу кунларда **«Аллоҳумма ажирний мин нарри жаҳаннам»** дуосини кўпроқ ўқийлик!

Маъноси: «Эй Аллоҳ, мени жаҳаннам оташидан асрагин!».

Аллоҳ таоло барчамизни дунёда ҳам, охирадда ҳам саодатли бандаларидан айлаб, жаҳаннам азобидан асрасин!

Нозимжон Иминжонов тайёрлади